



KA ULU HO'I

Buke 1. Helu 1. Kepakemapa 1999.

Hui Aloha 'Āina Tuahine

Keli'i Abordo
Pelekikena

Kahikina de Silva
Hope Pelekikena

Nohea Stillhard
Pu'ukū

Kēhaulani Ka'ili
Kākau 'Ōlelo

Hūi! E ala mai e nā pua, nā mamō o nēia pae 'āina! E ala e nā lehua pua 'ula e mōhala ana i ka poli o Hi'iaka. E naue mai 'oukou e nā lokelani o Maui e kāhiko ana i nā hono a'o Pi'ilani. 'Auhea 'oukou e nā lei hinahina i wili 'ia me ke kauna'oa o Kaululā'au. E ō mai e nā pua kukui o Lanikaula. A maliu aku ka 'ilima i milimili 'ia e ke Kahaukani. Hō mai kou 'ala onaona, e ka mokihana o Kawaikini. Pa'a pū me ka nani mae 'ole o ke kahaelani o Ni'ihau. E ne'ene'e mai kākou a pili i ka malu o Luahine. E inu like kākou i ka wai 'olu o ka ua Tuahine o Mānoa!

Ua pau iho nei ka wā ho'omaha o ke kau wela me ko mākou ho'i 'ana mai ka 'āina 'o Aotearoa, he 'āina anuanu o ke ea, pumehana na'e i ke aloha o nā 'ōiwi. Palena 'ole ko mākou mahalo i nā kānaka pākahi a pau i kōkua a kāko'o mai i ka Hui ma nā 'ano a pau. I nā kūpuna mae 'ole o kākou a pau no ke alaka'i 'ana iā kākou nā mamō Hawai'i a me nā 'ōiwi Maori, i hiki ai iā kākou ke launa hou me ka hui pū 'ana i Aotearoa. I nā mānaleo 'ekolu i huaka'i pū me mākou: 'o Tūtū Hale, Papa Eddie Ka'ananā, a me Tuti. Ua mālama maika'i 'ia mākou i ko 'oukou mau poli aloha, a i ko 'oukou mau leo 'ōiwi. I nā kumu nō ho'i nāna i

(ho'omau 'ia ma ka 'ao'ao 2)

I N A L I A P O H O K O U L E I
A I E K ' Ō K U L A O P A O ' O
' U A U A H U A ' A W A K A A L
A U L L H Ū I I E U M A N Ō H A
L A U U Ō A L P ' E L I Ā ' E K
I A L W I P ' U A U H E O P ' A
' O ' A K E Ō H A H ' L N I A M
A L Ō I A E I H O I I U Ō A H A
M Ō ' M ' U Ā M A N A W A N I O
O K I A I L E ' A K Ō U A I E A
N E L K O ' I N A K U A H A K U
I M I A E H U A ' A L I ' I Ū A

E 'imi 'oukou i ka pā'ani kohokoho o luna a'e a loa'a kēia mau hua 'ōlelo:

1. Ka " 'ai kamaha'o o ka 'āina."
2. He 'ano 'uala; aia i ka inoa o nei nūpepa.
3. Ka inoa o ka makua kāne o Kahalaopuna. Ua lilo 'o ia ka makani o Mānoa i kona hala 'ana.
4. Kahi e puka ai ka lā. "Mai ka pi'ina a ka lā i _____..."
5. He ___ kaulua 'o Hōkūle'a.
6. Kekahi kanaka oli akamai loa o ka wā i hala. Eia kekahi, 'o ia ka puka 'ana o ke "kai" mai kou mau maka iho ke kaumaha ka na'au.
7. 'Ōlelo No'eau 2701: *Pua ka wiliwili nanahu ka _____.*
8. La'ana: ke, ka, ko'u, kēlā... A i 'ole "Ho'opuka ē ka lā ma ka hikina."
9. 'Ōlelo No'eau 424: *Hala ka _____ aia i Hilo ua 'imi akula iā Papalauahi.*
10. Ka mana'o o ia 'ŌN o luna a'e: ua hala ka _____ kūpono.
11. He i'a,, a he kāne: *Aia i ka huki _____.* ('ŌN 39)
12. 'ŌN 47: *Aia i _____.* Ua 'ona.
13. "I _____ nō 'oe, i kanaka au lā..."
14. He holoholona nona ka 'ōlelo "baa."
15. Ka inoa kahiko no ka 'āina ma ke kaona 'o Honolulu. A i 'ole: 'o wai ___ inoa?

Kepakemapa 1999

Lāpule	Pō'akahi	Pō'alua	Pō'akolu	Pō'ahā	Pō'alima	Pō'aono
			1 Ho'okipa Haumāna Hawai'i. 4:15- 6pm HSB.	2	3	4
5	6 Lā Nui: 'a'ohē kula!	7	8	9	10 Halawai Nui (Gen. Mtg.) 1:30pm, Keller 303	11
12	13	14	15	16	17	18
19	20	21	22	23	24	25
26	27	28	29	30		


(mai ka 'ao'ao 1)

hilina'i a kākō'o i ka hana o mākou nā haumāna i mea e holo pono ai ka huaka'i. Iā 'oukou nō e Leilani, U'ilani, Kapā, Keawe, Tracie, a me Malia, mahalo. A i ka 'ohana o nā 'āina 'elua: nā lālā 'ohana ma Hawai'i nei, nāna i kākō'o mai me ke aloha a me ke kālā nō ho'i; a me ka 'ohana Maori ma Aotearoa ala, nāna i ho'omalū iā mākou ma lalo o nā iwi a me ke aloha o ko lākou mau kūpuna.

No laila, ua ho'i mai mākou me ka mākaukau no ka ho'omaka 'ana i ke kau hou. 'O ka mea mua, he pelekikena hou ko ka Hui. Aloha aku kākou iā Kalehua Lima, nāna i ho'okumu hou i nēia Hui helu 'ekahi ma ke 'ano he pelekikena lua 'ole o ke aloha a me ka hana nui no ka pono o ka Hui. Mahalo iā 'oe e Kalehua! A e ho'omaika'i kākou iā Keli'i Abordo, ko kākou alaka'i

wiwo'ole o kēia kau. 'A'ole paha e nui ana ka hana ma kēia makahiki e like me kēlā makahiki i hala iho nei, akā na'e ke ho'onoho 'ia nei kekahi mau hana le'ale'a, e la'a ka nanea 'ana i kahakāi, ka hele huaka'i 'ana a puni 'o O'ahu nei, a me ka mālama 'ana i kekahi mau papa (hula, oli, lei, a pēlā aku). Eia kekahi, e mālama ana kākou i nā hana ho'oulu kālā nō ho'i: ka holo'i 'ana i nā ka'a, ka pā'ina ma Mango's, a pēlā aku. No laila, e maka'ala 'oukou i kēia wahi nūpepa a ka Hui. E puka ana ma kēlā a me kēia mahina o ke kau a ma 'ane'i nō e ho'olaha 'ia ana nā hana keu a ka le'ale'a o nei Hui.

A no laila e o'u mau paka ua e lele pakī nei ma ke kula o Mānoa, e hui pū kākou ma ka lā 10 o Kepakemapa, hola 1:30, ma ka lumi 303 ma ka hale 'o Keller, a e ulu ana ko kākou hoi i ka ua Tuahine.



Inā makemake 'oe e kākou mai i leka, i mo'olelo, a i 'ole kaha i ki'i, no kēia nūpepa, e ho'ouna mai ma ka leka uila iā:
kanuha@msn.com
A i 'ole, e lawe kino mai i ka lumi 435A ma Spalding, 'o ia ho'i ka lumi mānaleo. Mahalo!